



册府元龜

卷之十四
至十六



1 3
849
8



門
849
8



册府元龜

淮南李嗣京叅閱

西極文翔鳳訂正

豫章黃國琦較釋

帝王部

十四

都邑第二

唐高祖武德元年五月受隋禪都長安改隋大興殿
為太極殿昭陽門為順天門離宮別館游憩之所並
廢

十月以武功舊宅為武功宮

四年十二月使行臺僕射屈突通焚乾元殿應天門
紫微觀以其太奢

五年七月營弘義宮

初秦王居宮中承乾殿高祖以秦王有克定天下功特降殊禮

別建此宮以居之

六年四月幸龍潛舊宅改為通義宮

十二月以奉義監為龍躍宮帝龍潛時莊舍也又以

武功宅為慶善宮

七年五月置仁智宮於宜州宜君縣

今防州縣

八年四月營太和宮於終南山

九年六月改東宮弘禮嘉福等門為光宣門

太宗貞觀三年四月太皇上以弘義宮有山林勝景

乃徙居之改為太安宮

六年監察御史馬周上疏曰臣伏見太安宮在城之西其

牆宇門闕之制方之紫極尚為卑小臣伏以皇太子之宅猶處城中太安宮至尊所居更在城外雖太上皇游心道素志存清儉陛下重違慈旨愛惜人力而番夷朝見及四方觀者有不足瞻仰焉臣願營築雉堞脩起門樓務從高敞以稱萬方之望則大孝昭乎天下矣

八年十月營永安宮改名大明宮以備太上皇清暑

公卿百寮爭以私財助役

十一年正月新作飛山宮

七年廢明德宮及飛山宮之玄圃以給遭水之家

十四年八月營襄城宮初帝將幸雒陽遣將作大匠

闢立德行可清暑之地以建離宮於汝州西山前臨汝水傍通廣城澤以置宮焉役工一百九十餘萬雜費稱是

十五年三月幸襄城宮及至暑熱又多毒虺帝大怒免立德官而罷其宮分賜百姓

二十年七月辛亥宴五品已上於飛霜殿其殿在玄武門北因地形高敞層閣三城軒欄相注又引水爲滌滌池樹白楊槐柳與陰相接以滌炎暑焉

十月司空房玄齡及將作大匠闢立德大營北闕制顯道門觀並成

二十一年復置翠微宮籠山爲苑自初裁至於設幄九日而罷功因改名翠微宮正門北開謂之雲霞門視朝殿名翠微殿其寢殿名含風殿并爲皇太子構別宮去臺連延里餘正門西開名金華門內殿名喜安殿七月建玉華宮於方州宜君縣之鳳凰谷帝手詔曰朕聞上代無爲簷茅而砌土中季華用檻玉而臺瓊燥濕之致雖同奢儉之情則異朕承皇王之緒執造化之綱包萬類於心端圖八紘於目際夷夏一軌區宇大同雖則德有劣於難名道方參於至義若乃制服垂裳之后服牛羈馬之君弦弧剡矢之奇運

車浮舟之智濟時爲美功亦大焉至若浩浩九齡炎
炎七載融山坼地滔天襄陵生人之艱勞亦極矣彼
數德者功莫高乎吞狄此兩灾者勞又甚乎裁宮今
雖菲食卑宮有慙於曩哲安人濟難不憚於前賢然
而人皆輕見重聞貴耳賤目德雖微也以其古而爲
大功雖巨也以其今而成小不亦謬哉每流鑑于前
經營披懷而自勗思所以收驕閉逸卷慾除華而頃
年已來憂勞煩結暨至茲歲風疾彌時嗟乎濟世之
威患攢躬而靡制迴天之力痛沈已而難移重以景
熾流金風湯溽暑遄迴几度旭慕增勞俯仰崑廊寢

興添弊唯奠廓景延涼蕩茲虛憊近因群下之志南
營翠微本絕丹青之工纔假林泉之勢峰居隘乎蚊
睫山逕險乎焦原雖一已之可娛念百僚之有倦所
以載懷爽塏爰制玉華故遵意於朴厚本無情於壯
麗尺版尺築皆悉折庸寸作寸功故非虛役猶恐遐
邇乖聽方輿怨咨非其樂勞人而竭力好峻宇而雕
墻但以養性全生不獨在私在已怡神祈壽良以爲
國爲人比者屢有征行非無疲頓前歲問罪遼左去
秋巡幸靈州皆以翦害除凶懷柔服叛豈欲矜轍跡
騁盤遊而已哉今復土木頻興營繕屢動永言思此

深念人勞一則以爲慙一則以爲愧何則匈奴爲患自古弊之十月防秋人血丹於水脈千里轉戰漢骨皓於塞垣當此之疲人不堪命尚興未央之役猶起甘泉之功今則毳幙穹廬取爲郡縣天山瀚海分爲苑池去旣往之長勞成將來之永逸譬廻一年之後創此新宮想志士哲人不以爲言也布告黎庶明此意焉宮旣成正門謂之南風門殿覆瓦餘皆葺之以茅帝以意在清涼務從儉約匠人以爲層崑峻谷玄覽遐長於是疏泉抗殿包山通苑皇太子所居南風門之東正門謂之嘉禮門殿名暉和殿其官曹寺署

並皆創立微事營造庶物亦擾帑取供而折番和僱之費以巨億計矣及帝遊幸勅奉御王孝積於顯道門內起紫微殿十三間文甃重基高敞宏壯帝見之甚悅

高宗永徽二年九月改九成宮爲萬年宮廢玉華殿以爲佛寺苑內及諸曹司舊是百姓田宅者並還本主

三年四月將作大匠闡立德造新殿成移御之日謂侍臣曰朕性不宜熱所司頻奏請造此殿旣作之後深懼人勞今旣暑熱朕居屋下尚有流汗匠人暴露

事亦可愍所以不令精妙意者只避炎暑耳長孫無忌曰聖心每以恤人爲念天德如此臣等不勝幸甚五年三月幸萬年宮帝謂太尉長孫無忌曰此宮非直涼冷宜人且去京不遠朕離此十年屋宇無多損壞昨者不易一椽一瓦便已可安不知公等得安堵未嘗司廨署周足未乃親制萬年宮銘并序七百餘字群臣請刊石建于永光門詔從之

十月修築京師羅城和僱雍州四萬一千人三十日功畢九門仍各施觀明德門一觀至五門

顯慶元年勅司農少卿田仁汪因事東都舊殿餘址修乾元殿高一百二十尺東西三百四十五尺南北一百七十六尺

六月改東宮弘教殿爲崇教殿

二年十二月以雒陽宮爲東都雒州官吏員品如雍州廢雒陽宮摠監改青城宮爲東都苑北面監明德宮爲東都苑南面監雒陽宮農圃監爲東都苑東面監食貨監爲東都苑西面監雒州北市置官員准東西市隸太府寺

五年五月修雒水水波堰又於東都苑內造八關宮尋改爲合璧宮

九月改東明門為賓躍門西明門為宣耀門時嘗機為司農少卿受詔簡較東都營田園苑之事帝謂之曰兩都是朕東西二宅也今之宮館隋代所造歲序既淹漸將頽毀欲有修造又費財力如何機奏曰臣任司農向以十年前後省費今見貯錢三十萬貫若以供葺理可不勞而就也帝大悅詔機兼統將作少府二司使漸營之於是機始造宿羽高山等宮并移雒水之中橋自立德之西街徙於長夏之通衢遂廢利涉橋公私以為便及機遷職帝登雒水高岸有臨眺之美詔機於其所營上陽宮宮成移御之

龍朔二年六月帝染風痺以宮內湫濕乃脩舊大明宮改名蓬萊宮北據高原南望爽塏是年置正門曰丹鳳正殿曰含元含元殿之後曰宣政宣政左右有中書門下二省弘文史二館

三年二月稅雍同岐幽華寧鄜坊涇虢絳晉蒲慶等州率口錢修蓬萊宮又減京官一月俸助修蓬萊宮四月移仗就蓬萊宮是月始御紫宸殿聽政百寮奉

賀新言成也

初遣司稼少卿梁孝仁監造悉於庭院列白楊樹右驍衛大將軍契苾何力入

宮中縱觀孝仁指白楊曰此木易長不過二三年宮中可得陰映何力不答但誦古詩白楊多悲風蕭蕭愁殺人意謂此是冢墓木也孝仁遽令拔去之更植梧桐謂人曰禮失求之於野固不虛也

麟德二年二月東都造乾元殿成所司奏乾元殿成其應天門先亦焚之及是亦造成為則天門神龍元年三月

十一日避元天后號改為應天門唐隆元年七月避中宗號改為神龍門開元初又為應天門

乾封二年二月改萬年宮依舊為九成宮

咸亨元年三月改蓬萊宮為含元宮長安元年十月又改為大明

宮十二月又改為大明殿神龍元年二月復改為含元殿

儀鳳三年正月詔藍田縣新作涼宮宜名萬全宮

四年五月造紫桂宮於澠池縣西永淳元年四月改芳桂宮是年

帝入雒乃移御雒北陰殿尚書左僕射劉仁軌謂侍

御史狄仁傑曰古之陂池臺榭皆在深宮重城之內

不欲外人見之恐傷百姓之心也韋弘機之作列序

脩廊在於堙堞之外萬方朝謁無不覲之此豈致君

堯舜之意哉弘機聞之曰天下有道百司各奉職輔弼之臣則思獻替之事肺腑之臣行詔

守官而已吾不敢越分也

永淳元年七月造奉天宮於嵩山之南仍置嵩陽縣

中宗神龍三年八月改玄武樓為制勝樓

睿宗景雲元年十月以大內為太極宮

玄宗開元二年七月宋王成器等累上表請以興慶

舊里宅為宮乃下制曰朕昔與弟兄聯居蕃邸虔奉

聖訓遂膺昌期嘗思鄩社之遊頗有芒碭之氣王等

固陳符瑞取則不遠擬備巡幸推而勿居雖府在京師亦同於譙沛式遵故事宜依今請遂以興慶里舊

邸為興慶宮

初帝在藩邸與宋王等同居于興慶里時人號曰五王子宅至景隆末宅內有

龍池涌出望氣者云有天子氣中宗數行其地命泛舟以馳象踏氣以厭之至是為宮焉後於西

南置樓西面題曰花萼相輝之樓南面題曰勤政務

本之樓

至二十五年帝戒諸王曰奉先帝宮室不敢有加時時補葺已愧於勞人矣唯興慶創制

乃朝廷百辟卿士以吾舊邸因欲修建不免群卿考室之詞是即庶民子來之請亦所以表休徵之地新作南樓本欲察畔俗採風謠以防壅塞是亦古關四門達四聰之意時有作樂宴慰不徒然也今因大哥讓朱邸以成花萼相輝之美歷觀自古聖帝明王有所興作欲以助教化也吾所興者式崇敦睦漸漬薄俗令其人信厚耳興慶宮在東內之南自東內達南內有夾城複道徑通北門達南內人主往東兩宮莫

知之宮之西南隅有花萼相輝勤政務本之樓禁苑在皇城之北苑東西二十七里南北三十三里東至汶水西連故長安城南連京城北枕渭水苑內離宮亭以二十四所漢長安故城南東西十三里亦隸入苑中苑置四面蓋總監以掌種植

五年七月改明堂為乾元殿詔曰古之操皇綱執大

象者何嘗不上稽天道下順人極或變通以隨時爰

損益以成務且衢室創制度堂以筵因之以禮神是

光孝德用之以布政蓋稱視朔先王所以厚人倫感

天地者少陽有位上帝斯歆此則神貴於不黷禮殷

於至敬今之明堂俯臨宮掖比之嚴祀有異肅敬苟

非憲章將何軌物繇是禮官博士公卿大夫廣參群

議欽若前古宜存路寢之式用罷辟雍之號可改爲乾元殿每臨御宜依正殿禮

十一月并州置北都詔曰經邦創制建國設險必因時順人統物立極我國家以神武聖德應天受命龍躍晉水鳳翔太原建萬代之模爲億兆之主猶成湯之居亳有周之興岐朕以耿身纂承昌運守祖宗之大寶恢中興之洪業叶時卜守經始此都事本因心情兼惟舊近者嘉祥薦至休瑞屢臻此皆宗祏降靈神祇潛暨豈伊菲德獨享厥休昔堯理唐郊式建丹陵之地漢居雒邑更表南陽之都今王業正興宮觀

猶在列于編郡情所未安非所以恢大聖之鴻規展孝思之誠敬其并州宜置北都改州爲太原府刺史爲尹司馬爲少尹太原晉陽爲赤縣諸縣爲畿縣官吏品第視京雒兩府是年置溫泉宮於驪山

十三年六月廢都西市

十六年正月始移仗於興慶宮聽政

十九年六月詔曰京雒兩都是惟帝宅街衢坊市固須修整比聞取土穿掘因作穢汚阡塹四方遠近何以瞻矚頃雖處分仍或有違宜令所司申明前勅更不得於街巷穿坑及取土其舊溝渠令當界乘閑整

頓疏決墻宇橋道亦當界漸修不得廣有勞後
二十四年四月改造天津橋合爲一橋

六月廣花萼樓築夾城芙蓉園

十二月毀東市東北角道政坊西北角以廣花萼樓
前

二十六年正月修望春宮

十月兩京路行宮各造殿宇及屋千間

二十七年九月於明堂舊址造乾元殿

十月毀東都明堂之上層改下層爲乾元殿

二十八年正月兩京路及城中苑內種果樹

天寶元年十月造長生殿名爲集靈臺以祀神

二年十二月東京應天門改爲乾元門

六載十月改溫泉宮爲華清宮

十二月發馮翊華陰等郡丁夫築會昌羅城於溫陽
置百司

七載十二月玄宗皇帝降于朝元閣改爲降聖閣

八載四月華清宮作觀風樓

五月以開遠門外作振旅亭

十載四月興慶宮作交泰殿

十二載十月城興慶宮役京師及三輔人凡一萬三

千人並以時估酬錢

肅宗至德二年十二月詔曰頃以上皇在蜀朕亦居岐蜀郡宜改爲南京鳳翔改爲西京西京爲中京蜀郡改爲成都府鳳翔府尹已下官寮並同三京名號三年正月改丹鳳樓門安化門爲達禮門以祿山國讎惡聞其姓京城及坊門各有安字悉改之

上元元年九月詔荊州大都督府宜改爲江陵府仍爲南都江陵縣爲赤縣諸縣爲畿縣長史爲尹司馬爲少尹餘官屬名位並同京兆府及京畿赤縣並依舊

二年九月詔曰唐虞之代肇有九州王者所都文無異制其京兆府河南府太原府三京之號宜停其鳳翔先爲西京亦宜准此

元年建卯月詔曰五都之號其來自久宜以京兆府爲上都河南府爲東都鳳翔府爲西都江陵府爲南都太原府爲北都

代宗廣德元年九月禁城內六街種植二年二月又詔禁之初諸軍諸使以時艱歲儉奏耕京城六街之地以供芻或謂非宜乃罷之

永泰元年二月出內人一千人品官六百人赴東京

守衛

十一月河南等道都統黃門侍郎平章事王縉上言請減諸道軍資錢四十萬貫脩東都宮內殿宇從之
二年正月京兆尹黎幹大發夫役種城內六街樹是歲不許京城內坊市侵街築牆造舍舊者並毀之
德宗貞元三年作玄英門及觀於大明宮北垣

四年二月築延喜門北複道屬於永春門復脩延喜門觀

三月自武德東門築垣約左藏庫之北屬宮城東垣於是武庫因而廢焉其器械隸於軍器仗

五年正月戶部侍郎班宏修玄武樓

八年正月新作玄武門及廡會鞠場

十二年八月增修望仙樓及廣夾城及十六王宅時京城街衢中樹缺縣吏多栽榆樹以其省便會吳湊為京兆尹每歲唯令植槐樹成列

十三年三月於麟德殿前新造亭子成名曰會慶亭

五月引龍首渠水自通化門入至太清宮前

七月幸魚藻池池先深一丈洵加四尺

八月詔曰昆明池俯近都城古之舊制蒲魚所產實利於人宜令京兆尹韓臯充使卽勾當修堰漲池

十一月韓臯奏准勅漲昆明池修石炭賀蘭兩堰并造土堰開洶渠都用錢七千四百三十貫文

十九年二月修含元殿

憲宗元和二年六月左神策軍新築夾城別開門曰玄化造樓曰晨輝

三年十月勅脩南內殿十三間墻舍共一千六百間及勤政樓明光樓

六年五月毀興安門南竹亭

八年五月河南尹許孟容進東都圖

九年六月置禮賓院於長興里北

十二年四月命右神策軍護軍中尉第五守進以衆二千築夾城自雲韶門芳林門西至脩德里以通于

興福寺又置新市于芳林門南

閏五月作蓬萊池周廊四百間

十三年二月詔六軍使創修麟德殿之右廊又浚龍首池起承暉殿雕飾綺煥徙置佛寺之花木以充焉

十四年正月徙置仗內教坊於延政里

三月詔左右軍各以官徒二千人修勤政樓

穆宗以元和十五年正月卽位二月詔於西上閣門西廊右畔便門以通宰臣自閣中赴延英路

七月新作永安殿及寶慶殿及修日華門通乾門并朝堂廊舍

八月發神策六軍三千人浚魚藻池

十月發右神策軍兵各千人於門下省東少陽院前築墻

長慶元年五月禁中造百尺樓時帑藏未實內外多事土木之功屢興物議喧然以爲不可

敬宗寶曆元年七月乙亥度支准宣進鏡銅三千餘斤黃金銀薄摠十萬番克修清思院新殿及陽德殿圖障

二年正月甲戌左右神策六軍威遠皇城左右金吾共差二萬人入內穿池修殿

是月勅東都已來舊行宮宜令度支郎官一人領都料匠緣路簡計及雒城宮闕與東都畱守商議計料分折聞奏

五月神策軍於苑內古長安城中修漢未央宮

文宗太和元年四月詔毀昇陽殿東放鴨亭望仙門側看樓十間並敬宗所造也

八月癸卯詔毀如京倉舍以其地歸門下寶曆末好廣苑圍門下省馬廐因通八禁中至是還之

二年八月勅修安福樓及南殿院屋宇一百八十八間又脩兩儀殿及甘露殿共一百七十二間

九月集賢院奏請創造昭慶門裏西墻至集賢院門南廊舍三十九間許之

九年二月勅都城勝賞之地唯有曲江承平已前亭館接連近年廢毀思俾葺修已令所司芟除栽植其諸司如有力及要創置亭館者給與閒地任其營造十月右軍辨仗使田金操請准勅拆銀臺門起修三門樓詔左軍官健二千人填龍首池以為鞠場又詔左右軍官健各一千五百人赴曲江修建紫雲樓

九月帝幸右銀臺門觀門樓興工之作發左右神策軍一千五百人修淘曲江是日左右軍奏修曲江樓

畢各進圖一軸是月內出新造紫雲樓彩霞亭額左軍中尉仇士良以鼓吹迎於銀臺門

時帝好詩每吟杜甫曲江行云

江頭宮殿鏤千門細柳新蒲為誰綠乃知天寶已前曲江四面皆有行宮臺殿思復昇平故事故為樓殿以臨之

武宗會昌元年三月勅造靈符應聖院

五年正月造仙臺

六月修望仙樓及廊舍共五百三十九間

宣宗大中元年二月勅修百福殿院八十間

七月勅親親樓號雍和殿別造屋宇廊舍七百間
二年正月勅脩右銀臺門樓屋宇及南面城墻至獻
武樓

五年詔脩明儀樓

昭宗光化元年正月車駕在華州詔以韓建脩京師
宮闕是月李茂貞與諸道相次進表助營宮苑詔遣
建自華至京經度宮室開構橋道九月自華還京
天祐元年正月梁王朱全忠遣將寇彥卿請車駕遷
都維揚閏四月至東都

哀帝天祐二年五月詔改維都諸門與西京門同者

延喜門改宣仁門重明門改興教門長樂門改光政
門光範門改應天門乾化門改乾元門宣政門改敷
政門宣政殿改貞觀殿日華門改左延福門月華門
改右延福門萬壽門改萬春門積慶門改興善門含
章門改膺福門含清門改延義門金鑾門改千秋門
延和門改章善門保寧殿改文思殿詔曰法駕遷都
之日維京再建之初慮懷土有類於新豐惟更門以
合於舊制今則妖星既出於雍分高閎難倣於秦餘
宜復別門之名以壯卜年之永是用分疆畫野寔顯
驗於否臧東維西京靡玄參於制度其京都見在門

同西京門名並宜改復雒京舊門名蓋避妖星之變也

十月勅雒城坊曲內舊有朝臣及諸司宅舍經亂荒榛張全義葺理以來皆以耕懇既供軍賦卽係公田或恐妄有披論認爲世業須煩按驗遂啓幸門其都內坊曲及畿內已耕殖田土諸色人並不得論認如要田業一任買置凡論認者不在給還之限如有本主元自差人勾當不在此限如荒田無主卽許識認付河南府

閏十二月皇城使奏供以皇城之內咫尺禁闌晨夜巡警固須清肅伏乞准勅條漏鼓聲絕後禁斷人行今據軍人百姓更點動後尚恣夜行特乞聖慈再下六軍止絕從之

後唐莊宗同光元年四月卽位於魏州是月升魏州爲東京改元城縣曰興唐貴鄉縣曰唐晉都督府曰興唐府以太原爲西京鎮州爲北都

十二月壬申勅汴州僞庭所立殿宇諸門並去牌額復本名其宣武軍額置於咸安門所在宮苑卽充行宮應有不合安鴟吻處並可去之

二年正月丁未勅朝元殿北是明堂殿僞梁改爲朝

元殿今復舊名其崇勳殿宜改爲中興殿應順門改爲永曜門太平門改爲萬春門通政門改爲廣政門鳳鳴門改爲韶和門萬春門改爲中興門解卸殿改爲端明殿

八月勅三川輿壤四海名區爲帝王光宅之都乃符瑞薦臻之地周朝始建卜年遂啓於延洪漢室中興卽土是圖於遠大咸茲建極至我本朝壯麗可觀浩穰爲最千門萬戶實爲富庶之鄉接廡連甍宛有升平之俗而自僞梁僭逆諸夏憑陵尋干戈而雷用蒸黎恣塗炭而毒流草木依憑鬼苑嘯聚梟巢遂令輦

轂之間鞠興蕪沒之歎朕自削平大憝纂嗣丕圖重興卜維之都永啓朝宗之會將資久遠須議葺脩務令壯觀於九重實在駢羅於萬戶京城應有空閒地任諸色人請射蓋造藩方侯伯內外臣寮於京邑之中無安居之所亦可請射各自修營其空閒有主之地仍限半年本主須自修蓋如過限不見屋宇亦許他人占射貴在成功不得虛占是月辛巳詔曰朕刷盪妖氛收復京輦三靈胥悅萬國駿奔凡在炤臨畢同欣戴或出司土宅入觀朝廷若無列第於神州何表愛君之誠節諸道節度觀察防禦團練刺史等並

宜令維京修宅一區既表皇居之壯麗復佳清雒之
浩穰因我后之化家觀羣居之戀闕

壬午西都奏重修華清宮溫湯屋宇

三年三月詳定院奏近行魏州爲東京簡諸道州縣
須先定兩府始可各定官品未審依故事京兆河南
爲兩府太原興唐爲次府天復以興王之地別有進
止勅不唯府額各定於等差兼亦都名須正於升降
將爲經久之制宜遵固本之文本朝故事雍州爲西
京京兆府雒州爲東都河南府是謂京都兩府并州
舊爲北都太原府在兩府之次近以中興大業以魏

州爲東京興唐府權爲東京爲雒京竊以雒京歷代
帝王之都四方朝貢所便爰自漢魏迄于隋唐方建
都城是比宸極宜依舊以雒京爲東都魏州改爲鄴
都興唐府與北京太原府並爲次府豈獨設官分職
命秩免惑於有司抑亦畫界分疆取則無違於故事
四月壬寅武德使上言重修嘉慶殿請丹漆金碧以
營之帝曰此殿爲火所廢不可不修但務宏壯何煩
華侈尋改爲廣壽殿

六月壬戌勅河南府開承通厚載二門應京城內空
閒地如本主有力卽速令蓋造若不脩營卽許諸色

人請射起屋其月左諫議大夫崔德上言曰臣伏見
維都頃當制葺之初荒涼至甚纔通行逕徧是荆榛
此際集人開耕便許爲主或農或圃逾三十年近歲
居人漸多里巷頗隘須增屋室宜正街坊都邑之制
度旣成華夏之觀瞻益壯因循未改汚濁增深竊惟
舊制宮苑之側不許停穢惡之物今以菜園相接宗
廟祠宇公府民家穢氣薰蒸甚非蠲潔請議條制俾
令四方則之

八月左補闕楊途奏明君舉事須合前規竊見京城
之內尚有南州北州縱市井不可移改城池卽宜毀
廢復見都城舊牆多已摧塌不可使浩穰神京旁通
綠野徘徊壁壘俯近皇居無或因循嘗宜脩葺初光
啓末張全義爲河南尹爲蔡賊所攻乃於南市一方
之地築壘自固後更於市南又築嘉善坊爲南城天
復修都之際元未毀撤途所奏頗適事宜
九月中書奏右補闕楊途先奏毀廢京內南北城臣
簡到同光二年八月二十七日河南尹張全義奏臣
自僖宗朝叨蒙委寄節制維京臨蒞之初須置城壘
臣乃取南市曹界分兼展一兩坊地修築兩城以立
府衙廡署今區宇一平理合毀廢其城濠如一時平

治卽計功不少百姓忙時難爲差使今欲且平女牆及擁門餘候農隙別取進止者奉勅京都之內古無郡城本朝多事以來諸侯握兵自保張全義土功斯毀李罕之塞地猶存時旣朗清故宜除剗若時差夫役又恐擾人宜令河南府先分擘出舊日街巷其城壕許人占射平填便任蓋造屋宇其城基內舊有巷道處便爲巷道不得因循妄有侵占仍請限一月如無力平剗許有力人戶占射平填

庚申新作興教門樓

明宗長興元年正月宗正少卿李廷祚奏請止絕車牛不於天津橋來往

二年六月戊辰應京城六街及諸間坊先許人修建屋室如闖侵地太多乃至不通車駕今後蓋造外須通車馬或有越衆牽蓋並須畫時毀拆并果園池亭外餘種蒔菜園空閑田地如本自辦卽限三月內蓋造須畢如自不辦並許人收買勅旨伊雜之都皇王所宅乃夷夏歸心之地非農桑取利之田當亂離而曾是荒涼及開泰而競爲脩葺從來闐寂多已駢闐永安天邑之居宜廣神州之制宜令御史臺兩街使河南府專切依次第擘畫曉示衆多勿容侵越或有

利便亦可臨時詳度奏聞其月河南府奏准勅京城坊市人戶菜園許人收買切慮本主占佃年多以鬻蔬爲業固多貧窶豈辦蓋造恐資有力轉傷貧民勅旨都邑之間殷繁是貴欲九重之轉盛在百堵以齊興作事斷自於不疑出令必歸於畫一比據巡司申奏爲有亂射土田遂設規程令還價直只要增修舍屋添益閭閻貴使華夏共觀壯麗朝廷以邦本興隆之計務使駢闐府司以園圃價例之間恐傷貧下備詳數奏須議允命其在京諸坊若是有力人戶及形勢職掌曹司等已有居第外於別處及連宅置得菜

園令園子主祀或典賃與人者並准前勅價例出賣不得輒有違越如實是貧窮不濟人戶置得園圃年多手自灌園身自賣菜以供衣食者則與等第特添價直仍買者不得廣置地位各量事力須議修營並要酌中庶無踰越

三年二月庚午脩平頭門樓畢名乾通之門
四月戊午中書奏奉勅重定三京諸道州府地望次第者據十道圖舊制以王者所都之地爲上本朝都長安遂以關內道爲上今宗廟宮闕見都雒陽請以河南道爲上關內道第二河東道第三餘依舊制又

本朝都長安以京兆府爲上今都雒陽請以河南府爲上其五府按十道圖以關內道爲上遂以鳳翔府爲首河中成都江陵興元爲次中興初升魏博爲興唐府鎮州爲真定府皆是創業興王之地不與諸府雷同今望以興唐真定二府升在五府之上合爲七府餘依舊制

七月汴州李從暉奏當州舊司天臺有銅渾儀并板閣并在露地損爛欲毀拆勅旨復令繕理不得輒毀四年六月詔宮西新園宜名永芳園其間新殿宜名和慶殿

愍帝應順元年閏正月甲寅集賢院上言以敕書修創凌煙閣詔問閣高下等級其凌煙閣都長安時在西內三清殿側畫像皆北向閣有中隔隔內北面寫功高宰輔南面寫功高諸侯王隔外面次第圖畫功臣題贊自西京版蕩四十餘年舊日主掌官吏及畫像工人淪喪集賢院所屬寫真官畫真官人數不少都雒後廢職今將特起閣請先定佐命功臣人數請下翰林院預令寫真本及下將作差人與畫工序間架修建院內先有寫真官沈居隱畫真官王武瓊二人相次淪亡無人應用詔集賢御書院復置寫真官

畫真官各一員餘依所奏

晉高祖天福二年正月丙寅改中興殿中興門爲天福殿天福門五月丙辰御史中丞張昭遠奏汴州在梁室朱氏稱制之年有京都之號及唐莊宗平河南復廢爲宣武軍至明宗行幸之時掌事者因緣脩葺衙城遂挂梁室時宮殿門牌額當時識者或竊非之一昨車駕省方暫居梁苑臣觀衙城內齋閣牌額一如明宗行幸之時無都號而有殿名恐非典據臣竊尋秦漢已來寰海之內鑿輿所至多立宮名近代隋室於揚州立江都宮太原立汾陽宮岐州立仁壽宮

唐朝於太原立晉陽宮同州立長春宮岐州立九成宮宮中殿閣皆題署牌額以類皇居臣伏准故事諸於汴州衙城門權挂一宮門牌額則其餘齋閣並可以取便爲名庶使天下式瞻稍爲宜稱者勅旨行闕宜以大寧宮爲名其餘候續勅處分

七月改玄德殿爲廣政殿玄德門爲廣政門十一月改維京潛龍宅爲廣德宮北京潛龍宅爲興義宮

三年十月丙辰詔曰爲國之規在於敏政建都之法務要利民歷攷前經朗然通論顧惟涼德獲啓丕基

當數朝戰伐之餘是兆庶傷殘之後車徒旣廣帑廩
成虛經年之輓粟飛芻繼日而勞民動衆嘗煩漕運
不給供須今汴州水陸要衝山河形勢乃萬庾千廂
之地是四通八達之郊爰自按巡益觀宜便俾升都
邑以利兵民汴州宜升爲東京置開封府仍升開封
浚儀兩縣爲赤縣餘升爲畿縣應舊制開封府時所
管屬縣並可仍舊割屬收管亦升爲畿縣其雒京改
爲西京其雍京改爲晉昌軍丁亥詔改太寧宮門爲
明德門又改京城諸門名額南門尉氏門以薰風爲
名西二門鄭門梁門以金義乾明爲名北二門酸棗
封丘門以玄化宣陽爲名東二門曹門宋門以迎春
仁和爲名

四年二月辛卯改東京玉華殿爲永福殿三月巳卯
改明德殿爲滋德殿宮城南門同名故也

五年九月戊子改東京上源驛爲都亭驛

六年八月壬子勅改鄴都皇城南門應天門爲乾明
門大名館爲都亭驛

七年閏三月勅改宣明門爲朱鳳武德殿爲視政文
思殿爲崇德畫堂爲太清寢殿爲乾福其門悉從殿
名皇城南門改爲乾明北爲玄德東爲萬春西爲千

秋

四月乙丑勅改鄴都羅城及大城諸門羅城南傳門
為廣運門觀音門為金明門橙槽門為清景門寇氏
門為永芳門朝城門為景風門大城南門為昭明門
觀德門為廣義門北河門為靖安門魏縣門為廣福
門尉氏門為迎春門朝臣門為興仁門上斗門為延
清門下斗門為通遠門

漢高祖以天福十二年二月即位於太原官以太原
為北京五月車駕至東京

即汴州也

周太祖廣順元年六月以唐都長安時京城等門北

定今東京諸門薰風等為京城門明德門為皇城門
啓運等為宮城門昇龍等為宮門崇元等為殿門
二年正月詔開封府脩補京師羅郭率府界丁夫五
萬五千板築旬日罷以積年不脩不可通過兼淘汙
舊壕免雨水壞民廬舍故也

三年六月維京武行德言五鳳樓西面朶樓北塼座
落一丈三尺

十月勅入厚載門內向東橫街東北屋宇宜令弘文
館史館集賢等三館於此分肇廡署

世宗顯德元年七月西京畱守武行德率其部民萬

數完雒陽羅城先是車駕自太原迴行德觀於河陽
帝以雒表城隍頽缺有日矣因面諭行德令葺之繇
是徵丁夫數千而加板築焉

二年四月詔曰惟王建國實曰京師度地居民固有
前則東京華夷臻湊水陸會通時向隆平日增繁盛
而都城因舊制度未恢諸衛軍營或多窄隘百司公
署無處興修加以坊市之中邸店有限工商外至億
兆無窮僦賃之資增添不定貧闕之戶供辦實艱而
又屋宇交連街衢湫隘入夏有暑濕之苦居嘗多煙
火之憂將便公私須廣都邑宜令所司於京城四面

別築羅城先立標幟候將來冬末春初農務閒時卽
量差近甸人夫漸次脩築春作纔動便令放散如或
土功未畢則迤邐次年脩築所奠寬容辦集今後凡
有營葬及興置宅竈并草市並須去標幟七里外其
標幟內候官中擘畫定街巷軍營倉塲諸司公廨院
務了卽任百姓營造

三年六月癸亥詔曰輦轂之下謂之浩穰萬國駿奔
四方繁會此地比爲藩翰近建京都人物誼闡閭巷
隘陘雨雪則有泥濘之患風旱則多火燭之憂每遇
炎蒸易生疫疾近者開廣都邑展引街坊雖然暫勞

明倫彙編 家範典 卷一百一十四
久成大利朕昨自淮上廻及京師周覽康衢更思通
濟千門萬戶庶諧安逸之心盛暑隆冬倍減寒溫之
苦其京城內街道濶五十步者許兩邊人戶各於五
步內取便種樹掘井修蓋涼棚其三十步以下至二
十五步者各與三步其次有差

五年五月賜東京新城諸門名額在寅曰寅賓門在
辰曰延春門在巳曰朱明門在午曰景風門在未曰
畏景門在申曰迎秋門在戌曰肅政門在亥曰玄德
門在子曰長景門在丑曰愛景門改大內東偏舊賓
天門爲通苑門又以京城東新修驛爲懷信驛以待

江南貢使焉

恭帝顯德六年十二月改萬歲殿爲紫宸殿參閱

西極文翔鳳訂正

豫章黃國琦較釋

帝王部

十五

册府元龜

册府元龜

帝王部

卷一百一十四

二十九

冊府元龜 卷之十五

冊府元龜

淮南李嗣京參閱

西極文翔鳳訂正

豫章黃國琦較釋

帝王部 十五

年號

傳曰履端於始序則不愆自三代之際五行更王雖
三統循環迭舉歲首至于紀年標曆未聞他制逮漢
之文景始有前後之稱施及孝武肇創建元之號厥
後或章述德美昭著祥異或弭災厭勝計功稱伐或

冊府元龜

帝王部

卷之十五

一號而不易或一歲而屢改其有矯時遵古但紀歲曆者亦不遠而復斯乃前王因時立制後代沿襲而不可易者也

漢文帝即位十七年改元後元年

新垣平候日再暈以為吉祥故改元

以來延年之祚也盡七年

景帝前元年

盡十一年

中元年

盡六年

後元年

盡三年

武帝即位建元元年

盡五年

元光元年

以長星見故為元光盡六年

元朔元年

朔始也言更為初始也盡六年

元狩元年

獲白麟因改元曰元狩

有司言元宜以天瑞不宜以

一二數

得諸瑞以明年

一元曰建

建元元年是

二元以長星日光

以有長星之光故曰元光元年

今郊得一角獸曰狩云

盡六年

元鼎元年

得寶鼎故因是改元盡六年

元封元年

始封泰山故改元盡六年

太初元年

初用夏正以正月為歲首故改元為太初盡四年

天漢元年

時頻年苦旱故改元為大漢以祈甘雨大雅有雲漢之詩周大夫仍叔所作也以美

宣王遇旱災修德勤政而能致雨故依以為年號盡四年

太始元年

言盪滌天下與民更始故以冠元盡四年

帝王部

卷之十五

元號

年號

卷之十五

征和元年

言征伐四夷而天下和平也盡四年

後元年

盡二年

昭帝始元元年

盡六年

元鳳元年

三年中鳳凰比下東海海西樂鄉於是以冠元焉盡六年

元平元年

盡六年

宣帝本始元年

盡四年

地節元年

以先者地震山崩水出於是改年曰地節欲令地得其節盡四年

元康元年

盡四年

神雀元年帝幸河東祠后土有神雀集改元

盡四年

五鳳元年

先者鳳凰五至因以收元盡四年

甘露元年

盡四年

黃龍元年

漢儀注云此年二月黃龍見廣漢郡故改元盡六年

元帝初元元年

盡五年

永光元年

盡五年

建昭元年

盡五年

竟寧元年

呼韓邪單于願保塞邊竟得以安寧故以冠元盡其年

成帝建始元年

盡四年

河平元年三月詔曰河決東郡流漂二州

兖州豫州之地

校尉王延世隄塞輒平其改元為河平賜天下吏民爵

各有差

盡四年五月

帝王部

卷之十五

丹元

年號

卷之十五

陽朔元年

六月以山陽火生石中改元言陽氣之始盡四年

鴻嘉元年

盡四年

永始元年

盡四年

元延元年

盡四年

綏和元年

盡二年

哀帝建平元年

盡四年

元壽元年

盡二年

平帝元始元年

盡五年

孺子嬰居攝元年

王莽鴆平帝立之年二歲盡三年為莽所篡

後漢光武建武元年六月己未即皇帝位于鄗大赦

改元

盡三十二年三月

中元元年

二月柴望岱宗登封泰山禪于梁父四月改元盡二年

明帝永平元年

盡十八年

章帝建初元年

盡八年

元和元年

盡三年

章和元年七月詔曰朕聞明君之德啓迪鴻化緝熙

康乂光炤六幽

緝熙光明也六幽謂六合幽隱之處

訖惟人面靡不率

俾仁風翔于海表威霆行乎鬼區

鬼區即鬼方

然後敬恭

明祀膺五福之慶獲來儀之貺朕以不德受祖宗弘

烈乃者鳳凰仍集麒麟並臻甘露宵降嘉穀滋生芝

丹元

帝王部

卷之十五

草之類歲月不絕朕夙夜祗畏上天無以彰于先世

今改元和四年為章和元年 盡二年

和帝永元元年 盡十年 六年

元興元年 四月庚午大赦 改元盡四年

殤帝延平元年 盡其年

安帝永初元年 盡七年

元初元年 正月甲子改元 盡六年

永寧元年 四月丙寅立皇太子 改元盡其年

建光元年 盡其年

延光元年 二月丙午大赦 改元盡四年

順帝永建元年 延光四年十一月中黃門孫程等十人斬江京等迎立帝自濟陰王部

皇帝位明年正月改元盡六年

陽嘉元年 三月庚寅帝臨辟雍饗射大赦改元盡四年

永和元年 正月己巳宗祀明堂 靈臺大赦改元盡六年

漢安元年 正月癸巳宗祀明堂 大赦改元盡二年

建康元年 四月辛巳立皇太子 大赦改元盡其年

冲帝永嘉元年 建康元年八月庚午自皇太子即位明年正月改元盡其年

質帝本初元年 永嘉元年正月丁巳封建平侯其年即皇帝位明年正月改元盡其年

桓帝建和元年 本初元年閏六月庚寅自蠡吾侯即位明年正月改元盡三年

和平元年 正月甲子大赦 改元盡其年

元嘉元年 正月癸酉大赦 改元盡二年

永興元年 五月丙申大赦 改元盡二年

永壽元年 正月戊申大赦 改元盡三年

延熹元年 正月庚戌大赦天 下改元盡九年

永康元年 六月庚申大赦 改元盡其年

靈帝建寧元年 永康二年正月自解瀆亭 侯即皇帝位改元盡四年

熹平元年 五月己巳大赦 改元盡六年

光和元年 盡六年

中平元年 是年破黃巾賊十 二月改元盡六年

弘農正光熹元年 中平六年四月即位 改元盡其年七月

昭寧元年 八月改元 盡其年

獻帝永漢元年 昭寧元年九月即位改元是年十二 月詔除光熹昭寧永漢三號還復中

平六年

初平元年 盡四年

興平元年 正月辛酉大赦 改元盡一年

建安元年 正月癸酉郊祀上帝於安 邑大赦改元盡二十四年

延康元年 三月改元盡其年十月禪於魏按甲子世 祖建武元年乙酉歲中興盡庚子合一百

九十

六年

魏文帝黃初元年十一月庚午帝自魏王登壇即阼

百官陪位事訖降壇視燎成禮而反改延康為黃初

盡七

明帝太和元年 盡六

青龍元年 正月甲申青龍見邾之摩陂井中二月丁酉幸摩陂觀龍於是改元盡五年

景初元年 正月壬辰山荏縣言黃龍見於是為正三月以為魏得地統宜以建丑之月為正三月

定曆改年為孟夏四月初文皇帝即位以為受禪于漢正因循漢正朔弗改帝在東宮著論以為五帝三王

雖同氣共祖禮不相襲正朔自宜改變以明受命之運及即位優游者久之史官復著言宜改乃詔三公

特進九卿中郎將大夫博士議郎千石六百石博議議者或不同帝據古典甲子詔曰夫太極運三辰五

星於上元氣轉三統五行於下登降周旋終則又始故仲尼作春秋於三微之月每月稱王以明三正迭

相為首今推三統之次魏得地統當以建丑之月為正月考之群議厥義章矣其改青龍五年三月為景

初元年四 月盡三年

齊王以景初三年正月丁亥即位十二月詔曰

明皇帝以正月棄背天下臣子永惟忌日之哀其

用夏正雖違先帝通三統之義斯亦禮制所繇變

也又夏正於數為得天正其以建寅之月為正始一

年正月以建丑月為後十二月 盡九

嘉平元年 四月乙丑改元 盡五年九月

高貴鄉公正元元年 嘉平五年十月司馬昭廢齊王迎立即皇帝位是月改元盡三

年 五月 帝泰始元年十二月丙寅改元

甘露元年 五月鄴及上谷並言甘露降下 八月丙申改元盡五年五月

陳留王景元元年 甘露五年五月己丑司馬昭使成 濟試高貴鄉公六月甲寅自安次

縣嘗遊鄉公卽位
大赦改元盡五年

咸熙元年 盡二年十二月禪于晉按甲子魏自庚子歲建國至乙酉合四十六年

晉武帝泰始元年十二月丙寅設壇於南郊帝升壇

受禪禮畢卽維陽宮幸太極前殿大赦改元 盡十一年

咸寧元年 正月戊午朔大赦改元盡五年

太康元年 二月平吳大赦改元盡十年

太熙元年 正月辛酉朔改元盡其年三月

惠帝永熙元年 太熙元年四月自太子卽位大赦改元盡其年

永平元年春正月乙酉朔臨朝不設樂詔曰朕夙遭不造淹恤在疚賴祖宗遺靈宰輔忠賢得以耿身託

于群后之上昧於大道不明於訓戰戰兢兢夕惕若

厲乃者哀迷之際三事股肱惟社稷之重率遵翼室

之典猶欲長奉先皇之制是以有永熙之號然日月

踰邁已涉新年開元易紀禮之舊章其改永熙二年

爲永平元年 盡其年 二月

元康元年 永平元年二月誅太傅楊駿大赦改元盡九年

永康元年 正月癸亥朔大赦改元盡其年

永寧元年 四月乘輿及正大赦改元盡二年十一月

太安元年 十二月大赦改元盡二年

永興元年 正月大赦改元永安七月大赦改元建武十一月大赦改元復爲永安十二月大赦

改元永興

盡二年 六月辛未大赦

光熙元年

改元盡其年

懷帝永嘉元年

光熙元年十一月自太弟即位明年正月癸丑朔大赦改元盡七年正月

愍帝建興元年

永嘉七年正月懷帝為劉聰所弑四月壬申即位大赦改元盡五年

元帝建武元年

三月辛卯即晉王位大赦改元盡其年

太興元年

三月癸丑即皇帝位大赦改元盡四年

永昌元年

正月己卯大赦改元盡其年

明帝太寧元年

盡三年

成帝咸和元年

二月丁亥大赦改元盡九年

咸康元年

正月庚午朔帝加元服大赦改元盡八年

康帝建元元年

盡二年

穆帝永和元年

正月甲戌朔皇太后設白紗帷於太極殿抱帝臨軒改元盡十二年

升平元年

正月壬戌朔帝加元服大赦改元盡五年

哀帝隆和元年

正月壬子大赦改元盡其年

興寧元年

二月己亥大赦改元盡三年

廢帝太和元年

盡六年

簡文帝咸安元年

十一月己酉即皇帝位乙卯改元盡二年

孝武帝寧康元年

正月己丑朔改元盡三年

太元元年

正月壬寅朔帝加元服大赦改元盡二十一年

安帝隆安元年

正月己亥朔帝加元服改元盡五年

元興元年 正月庚午朔大赦改元盡二年

義熙元年 正月帝在江陵大赦改元二年反正盡十四年

恭帝元熙元年 正月壬辰朔改元盡二年九月禪于宋

後魏道武登國元年 正月戊申即代王位郊天建元大赦於牛川四月改稱魏王盡

年 十

皇始元年 七月左司馬許謙上書勸進尊號始建天子旌旗出入警蹕於是改元盡一年

天興元年 十二月己丑臨天文殿司徒進璽綬百官咸稱賀大赦改元盡六年

天賜元年 盡六年十月

明元帝永興元年 十月即位大赦改元盡五年

神瑞元年 正月辛酉以祥瑞頻集大赦改元盡二年

秦嘗元年 四月大赦改元盡八年

太武帝始光元年 泰嘗八年十月自泰平王監國即位盡四年

神麋元年 二月改元盡四年先是定州獻白麋鹿又見于樂陵因以改元立皇太子

延和元年 正月丙午謁於太廟大赦改元盡三年

太延元年 正月甲申大赦改元盡五年

太平真君元年 六月丁丑皇孫生大赦改元盡十一年

正平元年 六月壬戌改元盡二年

文成帝興安元年 正平二年十月戊申即位大赦改元盡二年

興光元年 七月庚子皇子生辛丑大赦改元盡其年

太安元年 六月壬戌曲赦京城改元盡五年

和平元年

正月甲子朔大赦改元盡六年

獻文帝天安元年

和平六年五月甲辰即位踰年改元盡其年

皇興元年

八月戊申皇子生大赦改元盡五年八月丙午即位

孝文帝延興元年

皇興五年八月丙午即位大赦改元盡五年

承明元年

六月辛未上皇終王申大赦改元盡其年

太和元年正月乙酉詔曰朕夙承寶業懼不堪荷而

天賦俱臻地瑞並應風和氣婉天人交協豈朕冲昧

所能致哉實賴神祇七廟降福之助今三正告初祇

感交切宜因陽始令協典章其改今號為太和元年

盡二十三年

宣武帝景明元年

太和二十三年四月自皇太子即位明帝正月大赦改元盡四年

正始元年

二月丙寅大赦改元盡四年

永平元年

八月丁卯大赦改元盡四年

延昌元年

四月乙酉大赦改元盡四年

孝明帝熙平元年

延昌四年正月丁巳即位踰年改元盡二年

神龜元年

二月己酉詔以神龜表瑞大赦改元盡五年

正光元年

七月辛卯帝加元服大赦改元盡五年

孝昌元年

六月癸未大赦改元盡三年

武泰元年

正月丙寅大赦改元盡其年二月

孝莊帝永安元年

二年即位改建義元年九月乙亥以平葛榮大赦天下改為永安元

丹元五年號

卷之十五

年盡三年

長廣王建明元年

永安二年十月自太原太守行拜州刺史為爾朱世隆等推立改元

盡二年二月禪于前廢帝

前廢帝

亦謂之節閔

普泰元年

建明二年二月巳巳即位改元盡其年

後廢帝中興元年

建明二年十月即皇帝位於信都昇壇焚燎大赦稱中興元年盡二

年四月遜位於出帝

西魏武帝

亦謂之出帝

永熙元年

中興二年四月戊子即位大赦改元太昌元年

十二月丁亥大赦天下改太昌為永興又以太宗年號尋改元永熙盡三年

文帝大統元年

永熙三年閏十二月自南陽王為宇文泰所推立明年改元盡十七年

廢帝元年

大統十七年三月自皇太子即位明年去年號稱元年盡三年正月為宇文泰所廢

恭帝元年

廢帝三年正月自齊王為宇文泰所立盡三年十二月庚子禪位於周

後周閔帝元年

正月辛丑即天王位稱元年盡二年

明帝元年

閔帝元年九月自岐州刺史寧都郡公即天王稱元年盡二年

武成元年

八月巳亥改天王稱皇帝追尊文王為帝大赦改元盡二年自武成以前不立年號

武帝保定元年正月戊申詔曰寒暑亟周奄及徂歲

改元命始國之典章朕承寶圖宜遵故實可改武成

三年為保定元年

帝自武成二年四月即位踰年改元盡六年

天和元年

正月癸未大赦改元盡六月

宣政元年

三月壬辰改元盡其年初改宣政梁王蕭歸離合其字為宇文亡日其年六月終

宣帝大成元年

宣政元年六月即位正月朔受朝於露門大赦改元盡其月

丹元五年

帝王部

卷之十五

大象元年

二月傳位太子大赦改元盡二年初改大象梁王蕭巋又離合其字曰太子冢明年

而終

靜帝大定元年正月壬午詔曰朕以不天夙遭殛罰

光陰遄速遽及此辰窮慕纏綿言增號絕踰祀革號

憲章前典可改大象三年為大定元年

盡其年二月遜位于隋

隋高祖以後周大定元年二月甲子自相國受禪即

位改元開皇元年

盡二十年

仁壽元年

正月乙酉朔大赦改元盡四年

建德元年

三月誅大冢宰宇文護大赦改元盡六年

煬帝大業元年

以仁壽四年七月即位明年正月改元盡十三年初改大業識者惡之曰

於字離合為大苦未也尋而天下喪亂率土遭塗炭之酷焉

恭帝義寧元年

大業十三年十一月壬戌自代王為唐公所立大赦改元盡二年五月禪

于唐

唐高祖武德元年五月甲子即皇帝位於太極殿大

赦天下改隋義寧二年為武德元年

盡九年

太宗以武德九年八月即位明年正月乙酉詔曰朕

遐觀方冊歷選前聖大道既隱至公斯革莫不思樹

風聲用隆龜鼎太皇膺籙受圖功成治定鄙聖人之

餘事顧天下而窅然永言俗累高居物表爰以大寶

俯授微躬自肅奉神器亟移灰律三正在旦萬國來

庭長世之術既弘惟新之命方始體元居正今則其時可改武德十年為貞觀元年

盡二十二年

高宗以貞觀二十三年五月即位明年正月辛丑詔

曰比者恭膺寶位乃叶天時繼奉休命必因正朔太

宗文皇帝龔行天罰寧一區夏宏功無外盛烈難名

攀望徽猷哀盈園寢朕以寡德守茲神器仰憑堂構

俯暢生靈酌彼彝倫道兼文武方今孟陬獻葍嘗儀

佇歷三元首事萬國來庭宜遵經國之典以叶陽秋

之義可改貞觀二十四年為永徽元年

盡六年

顯慶元年

正月辛未立代王弘為皇太子壬申大赦改元盡六年二月

龍朔元年

二月乙未晦以百濟初平又益縣等五州皆言龍見於是改元盡三年

麟德元年

正月以絳州麟見於介山舍元殿前銀臺閣內並觀麟跡改元盡二年

乾封元年

正月戊辰朔有事於泰山壬辰御朝觀壇受賀大赦改元盡三年二月

總章元年

三月明堂成大赦改元盡三年三月

咸亨元年

三月京師旱大赦改元盡五年七月

上元元年

八月追尊高祖太宗大赦改元盡三年十月

儀鳳元年

十一月陳州上言鳳凰見於苑丘縣大赦改元盡四年六月三年四月戊申以旱大

赦天下改來年正月一日為通乾元年二月又詔停明年通乾之號以反語不善故也

調露元年

六月大赦改元盡二年七月

永隆元年

八月乙丑立英王哲為太子大赦改元盡二年九月

丹斤元龜年號

卷之十五

開輝元年

十月乙丑曲赦定襄軍改元盡二年正月

永淳元年

二月癸未以皇太子誕皇孫滿月大赦改元盡二年十一月

弘道元年

十二月丁巳大赦改元盡其月

中宗以弘道元年十二月甲子自皇太子即位明年

正月改元嗣聖

是二月則天皇后廢帝為廬陵王立豫王旦大赦改元文明元年其年

九月甲寅大赦改元光宅元年二年正月丁未朔以徐敬業平大赦改元垂拱元年五年正月乙卯朔饗

祀明堂入赦改為永昌元年二月十一月庚辰朔日南至饗明堂大赦改為戴初元年用周正朔以十一

月為正月十二月為臘月正月為一月十月為年終其年九月壬午則天革命稱周廢豫王為皇嗣賜姓

武大赦改為天授元年三年四月丙申大赦改為如意元年九月庚子大赦改為長壽元年三年五月則

天僭號越古金輪聖神皇帝大赦改為延載元年二年正月辛巳朔則天僭加號慈氏大赦改為證聖

元年是年九月甲寅則天加號天冊大赦改為天冊

萬歲元年二年三月重造明堂成號為通天宮大赦

改為萬歲通天元年二年九月大享天宮大赦改為神功元年二年正月壬戌大赦改為聖曆元年三年

五月癸丑大赦改為久視元年二年正月丁丑以成州有佛跡見改為大足元年其年十月則天幸長安

大赦改為長安元年盡四年

神龍元年

正月壬午朔大赦改元是月甲戌則天歸政於中宗盡三年八月

景龍元年

九月庚申御太極殿受神龍皇帝尊號大赦改元盡四年五月

溫王唐隆元年

六月即立大赦改元韋庶人臨朝盡其月遜位于睿宗

睿宗景雲元年

十月册玄宗為皇子是日有景雲之瑞改元盡二年

太極元年

正月戊子幸滄東親籍田巳丑大赦改元盡其年四月

延和元年

五月戊寅有事于北郊辛巳大赦改元盡其年四月

丹斤元龜

帝王部

卷之十五

玄宗先天元年八月自皇太子受太上皇傳位大赦

改元盡三年十一月

開元元年十一月上尊號為開元神武皇帝十一月

天寶元年正月丁未朔御勤政樓受朝賀大赦改元三年改年為載盡十五年

肅宗以天寶十五載七月甲子即位於靈武改元至

德盡二年

乾元元年正月乙巳帝於興慶殿奉太上皇尊號曰太上至道大聖皇帝禮畢大赦改元盡三年

年四月

上元元年閏四月己卯御鳴鳳門大赦改元盡其年八月

元年九月壬寅制曰欽若昊天定時成歲春秋五始

義在體元推以紀年更無潤色至于漢武飾以浮華

非前王之茂典豈永代而為則三代受命正朔皆殊

宗周之王實得天統陽生元氣之本律首黃鍾之尊

制度可存叶用斯在自今已後朕號唯稱皇帝其年

但號元年去上元之號其以今年十一月為歲首便

數建丑建寅每月以所建為數盡其年三月

寶應元年四月詔曰上天降寶獻自楚州神明生曆

數之符合璧定妖災之氣總集瑞氣祗承鴻休因以

體元叶乎五紀其元年改為寶應元年建巳月為四

月依舊以正月一日為歲首受茲福應佇以升平是月

冊府元龜年號

太子即位

代宗以寶應元年四月即位二年七月壬寅群臣上

尊號壬子大赦改元為廣德盡二年

永泰元年正月癸巳朔御舍元殿受朝賀下制改元盡二年十月

大曆元年十一月甲子日長至御舍元殿大赦改元盡十四年

德宗以大曆十四年五月即位明年正月丁卯朔御

舍元殿受朝賀下詔改為建中盡四年

興元元年正月癸酉朔御舍元殿受朝賀大赦改元盡一年

貞元元年正月丁酉朔御舍元殿受朝賀大赦改元盡二十一年七月

順宗以貞元二十一年正月即位八月庚子傳位於

皇太子大赦改元永貞盡其年

憲宗以永貞元年八月即位明年正月改元元和元

年盡十五年

穆宗以元和十五年正月丙午即位明年正月辛丑

郊祀禮畢大赦改元為長慶盡四年

敬宗以長慶四年正月癸酉即位明年正月辛亥親

祀昊天上帝禮畢大赦改元寶曆盡二年

文宗以寶曆二年十二月乙巳即位明年二月乙巳

御丹鳳樓大赦改元太和盡十年

開成元年正月辛丑朔帝嘗服御宣政殿受賀遂大赦改元盡五年

冊府元龜

帝王部

卷之十五

十七

武宗以開成五年正月即位明年正月庚戌郊廟禮畢大赦改元會昌盡六年

宣宗以會昌六年十月即位明年正月戊申郊廟禮畢大赦改元大中盡十年

懿宗以大中十三年八月十三日即位明年十一月丁未郊廟禮畢大赦改元咸通盡十四年

僖宗以咸通十四年七月二十日即位明年十一月庚寅郊廟禮畢大赦改元乾符盡七年

廣明元年正月帝御宣政殿改元盡二年六月中和元年七月帝至蜀改廣明二年為中和元年議者以去年改元廣明咸謂廣在唐脚之下

而有日月非其祥也故至是改曰中和塞浮議焉盡五年二月

光啓元年三月丁卯車駕至京師已巳御宣政殿大赦改元識者曰啓字口戴戈亂未息也盡

四年正月

文德元年二月戊子御承天門大赦改元盡其年

昭宗以文德元年三月八日即位明年正月御武德殿受朝賀宣制大赦改元龍紀盡其年

大順元年正月戊子朔御武德殿受朝賀宰臣百官上徽號禮畢大赦改元盡二年

景福元年正月丙午朔御武德殿受朝賀大赦改元盡二年

乾寧元年正月乙丑朔御武德殿受朝賀大赦改元盡五年四月

光化元年正月己巳朔以立后改元盡四年二月

丹元紀年號

卷之十一

天復元年

三月甲戌有事於宗廟是日御長樂門大赦改元盡四年

天祐元年

閏四月謁太廟禮畢御光政門大赦改元

哀帝以天祐元年八月即位不改元

盡四年三月

後唐莊宗以天祐二十年四月己巳即位

唐自天祐四年禪于

梁至是十八年帝在太原只稱天祐 改同光二年

盡四年

明宗以同光四年四月即位改元天成

盡四年

長興元年

二月乙卯祀圓丘禮畢大赦改元盡四年

閔帝以長興四年十二月即位明年正月戊寅御明

堂殿大赦改元應順

盡其年

末帝以應順元年四月即位改元清泰

盡三年

晉高祖以清泰三年十一月即位改元天福

盡七年

少帝以天福七年六月十三日即位九年七月辛未

朔御崇元殿大赦改元開運

盡三年是日宣赦未畢會大雨雪匆遽而罷都

下震死者數百人明德門內震落石龍之首識者以為石乃國姓蓋不祥之甚

漢高祖以開運四年二月即位于晉陽謂群僚曰帝

王稱謂孤已迫於群情而遜避無所其國號正朔未

忍遽改繇是降制以少帝開運四年敘天福十二年

行事蓋以心奉前朝執至義也

盡其年

乾祐元年

正月乙卯大赦改元盡其年

隱帝諱承祐以乾祐元年二月即位初高祖欲改年

冊元紀

帝王部

卷之十一

號中書門下進擬乾和二字高祖改為乾祐至是與帝名相符帝亦不改盡三年

周太祖以乾祐四年正月卽位改元廣順盡四年

顯德元年春正月乙未祀圓丘禮畢御明德殿大赦改元

世宗以顯德元年正月丙申卽位不改元盡五年

恭帝以顯德六年六月甲午卽位不改元盡其年

冊府元龜

冊府元龜

淮南李嗣京參閱

西極文翔鳳訂正

豫章黃國琦較釋

帝王部十六

尊號一

古者盛德之君若九皇五帝皆典籍之所述也夏商而下降號稱王秦并天下始兼三五而建號然後尊極之名著矣歷代而下遵而不易時或因革理非訟襲踵事增華其流彌盛乃至傾臣子之將順頌君上

之徽美守闕上書備物典策所以極光大之稱流景
鑠之懿也若乃欽明文思溫恭允塞堯舜之德垂於
緇素至於濬哲之后據天下之圖受三靈之命億兆
欣戴戎夷欵附功崇德鉅仁深澤廣繇是從人之欲
順帝之則擁神休而尊明號亦何讓焉

漢高祖初為漢王五年十二月既平項羽時以十月為歲首

正月諸侯上疏曰楚王韓信淮南王英布梁王彭越

故衡山王吳芮漢元年項羽立芮為衡山王後又奪之地謂之番君是以曰故趙王

張敖燕王臧荼昧死再拜言秦以為人臣上書當言昧犯死罪而言漢遂遵

之大王陛下王者有執兵於階陛之側群臣與至尊言不敢指斥故呼在陛者告之因卑以

達尊也先時秦為亡道天下誅之大王先得秦王定關

中於天下功最多存亡安危救敗繼絕以安萬民功

盛德厚又加惠於諸侯王有功者使得立社稷地分

已定而位號比擬亡上下之分言大王與臣等并稱王是為比類相擬無

尊卑之差別也大王功德之著於後世不宣言位號不殊則

功德之著明者不宜於後世也昧死再拜上皇帝尊號漢王曰寡人

聞帝者賢者有也言賢德之人乃可有帝號虛言亡實之名非所

取也今諸侯王皆推高寡人將何以處之哉諸侯王

皆曰大王起於細微滅亂秦威動海內又以僻陋之

地僻讀曰僻自漢中行威德誅不義立有功平定海內功

臣皆受地食邑非私之也大王德施四海諸侯王不
足以道之居帝位實宜願大王以幸天下

幸者吉而免凶可慶

幸也故人福喜之事皆稱焉幸而死謂之不幸漢王曰諸侯王幸以為便於

天下之民則可矣於是諸侯王及太尉長安侯臣綰

等三百人

綰盧箱也

與博士稷嗣君叔孫通

稷嗣邑名

謹擇良

日二月甲午上尊號漢王即皇帝位于汜水之陽

汜音

汎在濟陰界取其汎愛弘大而潤下也

哀帝太初元年號曰陳聖劉太平皇帝

陳導也言得神道聖者劉

也陳舜後王莽陳之後謬語以明莽當篡立而不知

後魏顯祖獻文帝既禪位太子於是群公奏曰在昔

三王之世澹泊無事故稱皇是以漢高祖既稱皇帝

尊其父為太上皇明不統天下今皇帝幼冲萬機大

政猶宜陛下總之謹上尊號太上皇帝乃從之國之

大事咸以聞

後周閔帝既受魏禪即天王位至明帝三年八月改

天王稱皇帝建元武成元年時崔猷為御史中大夫

以為世有澆淳故帝王因以沿革今天子稱王不足

以威天下請遵秦漢稱皇帝建年號朝議從之

宣帝大象元年自稱天元皇帝所居稱天臺

唐高宗上元元年八月皇帝稱天皇皇后稱天后以

避先帝先后之稱人曰皇帝稱天皇皇曰尊天曰應天
中宗神龍元年十一月文武百官上皇帝尊號曰應
天皇帝三年八月王公以下表上尊號曰應天神龍
皇帝九月庚子御太極殿受冊冊今天下歸王下曰
玄宗先天二年十一月群臣上表請加尊號爲開元
神武皇帝曰臣聞玄化不宰是有強名聖德彰聞必
崇大號伏惟陛下首出千古體元獨斷掃氛祲於軒
宮闡文明於宸極皇綱絕而復正禎器危而重安聖
達神祇功齊天地若無尊號臣不知稱易曰陰陽不
測之謂神傳曰保大定功之謂武陛下斷大事於容

易見成形於未兆故一著呈祥千里傳慶斯所謂不
測也興王業於多難安生靈於反側故百神奉職四
夷納貢斯可謂定功也故臣等敢上尊號曰開元神
武皇帝伏惟從之手詔荅曰朕觀上古人主唯稱帝
王一宇秦漢以來乃兼皇帝朕以薄德嗣守寶位乾
乾惕厲懼不克勝豈自崇飾以招譴咎雖迫公卿之
請終負平生之心所請加號甚無謂也群臣宗子及
僧道耆艾等數百人又抗表三上乃從之戊子遂行
冊禮加尊號爲開元神武皇帝冊曰開元神武皇帝
開元二十七年二月文武百官及僧道耆耄上表請

以聖文二字加尊號凡八表然後許之
天寶元年正月甲寅陳王府參軍田同秀上言玄元
皇帝降見于丹鳳門之通衢告錫靈符尹喜故宅遣
使發得之二月附玄元皇帝廟百僚加尊號爲開元
天寶聖文神武皇帝

七載五月壬申文武百僚以休祥累見上表請加尊
號曰應道表再上固違不從甲戌又上表曰臣聞道
之應也萬姓叶心德之至也百靈表貺是以帝王從
天以受休命臣子奉主以薦尊名下戴上爲至忠上
納下爲大順伏惟陛下垂衣而端拱司契而乘時御

辨而氣和提象而物觀臣等上稽儀極下考前訓旁
求史氏明徵道書皆可以配至極之崇高建大號之
美稱陛下宗師懸解狹五帝之嘗道恬愉自得陋三
王之仁義同符帝典振古莫儔靈寶經曰大寶君者
大洞之尊神玉皇之正氣陛下經高上之至理復帝
先之淳源九炁生真二合成德殊休應道已契靈文
景命揚符宿彰仙籙則知聖祖以大道授陛下久矣
當以應道答之苟人望洽而固違則群情抑而不副
是以公卿宗子懇誠於內緇黃艾耄瀝款於外宜蒙
納許以昭介福伏惟陛下承上玄乃顧之意順普天

翊戴之情伏以端午良辰萬壽來應昌圖與兩儀配
永寶運與三景俱長欽若鴻名克彰厚慶聿陳大禮
式茂元和臣等謹竭愚誠冒死請加尊號期於成遂
以叶衆心帝手詔報曰禎祥者所以合天人鴻名者
所以彰德業今封章繼至誠請甚勤敬膺神休允答
人望宜依來請巳卯有司告獻太清宮太廟庚辰告
昊天上帝皇地祇太社太稷壬午公卿百辟奉冊上
尊號曰開元天寶聖文神武應道皇帝御興慶殿受
冊

冊

八載六月太白山人李渾上言有神人言金星洞內

有玉版石記聖皇福壽之符命御史中丞王鉷入仙
遊谷求而獲之以獻帝御勤政樓受焉於是王公卿
士道俗又請加尊號表三上不從乃詔曰朕欲使人
述日用道遠親譽願行其心永守冲約未允來請宜
識此懷丙辰文武百官禮部尚書崔翹等又上表曰
臣聞上玄成命錫禎符以應期聖皇乘時受神冊於
興運是以啓殊祥於景福崇大號於至公伏惟陛下
纘重玄之耿光嗣五聖之丕緒大德侔於天地至化
貫於陰陽感玄道之尊運百辟之議三帛闕下累陳
洪名陛下猶以固讓爲心不以至公爲意臣等請以

符瑞重叙明之日者五星如連珠兩曜如合璧卿雲蔚膏露凝天之貺也璠英產於金祀玄記開於玉洞神光見真誥傳地之祥也固知天地以鴻休報陛下陛下以至德通乾元允宜合符克配徽號伏奉乙卯詔書曰志存要妙理却虛名臣又聞之天不讓高地不辭大五帝法之而成象三王參之而比德先天地者道也聖祖已著於強名合天地者聖也陛下允膺於明稱式彰妙用豈曰虛名况禎祥感通既著於彼靈應參會又符於此是以封章再獻而雲日重光徽號三陳而煙霄降澤天人交感影響必臻若然者陛下安得闕三才之大端抑萬姓之勤願違祖宗之瞻

命曠天地之符文臣等固陋猶知不可况真宗示慶祕簡呈文乘王氣於玉行擁神休於寶運伏願光臨大寶允答洪休嘗垂覆載之仁永保延長之曆天下幸甚帝手詔從之閏月丙寅親謁太清宮上聖祖玄元皇帝爲大道玄元及高祖太宗高宗中宗睿宗皇帝並加大聖丁卯群臣奉上尊號曰開元天地大寶聖文神武應道皇帝御舍元殿受冊集賢館百官上十二載十二月庚寅文武百官憲部尚書張均等上表請上尊號加孝德及改應爲證曰開元天地大寶

聖文神武孝德證道皇帝凡三上表乃許之
十三載二月甲戌御興慶殿受冊
肅宗至德二年十二月壬申右僕射裴冕與百僚上
言曰頃者逆寇亂嘗悖違天紀六位回薄三光失序
上皇南巡以避狄群臣東沒而面僞當此時也勇者
不及奮智者不及謀則高祖太宗之業將墜於地矣
上皇知聖嗣在昌人望大啓乃付陛下以天地之事
將復高祖太宗之業告成功於天伏惟陛下至孝恭
順格於天地不敢以剪逆夷難之務爲上皇憂遂乃
赫然龍驤雷動朔野以一旅之衆康天下之迤躬堯

之聰明廣聽天下率禹之勤儉以先兆人孝通德茂
格于三極故蠻夷君長來庭于要荒之外五玉寶龜
納錫于旌門之內其行如雲其植如山莫不裂眦致
命開懷飲鏃死而後已實乃甘心是以猓狗噬脛而
遇毒奔鯨觸綸而皆斃大風一鼓而沴氣廓清斯實
再造生人之極也陛下以上皇未至延俟鑾輿清宮
待幸守而不失今上皇戾止昭德報功廣聖人崇本
之義徵王者未舉之禮百神奉職親受寶符過堯邁
舜以慶天下以陛下有光上皇之德經天下之文定
禍亂之武窮不測之聖通神明之孝故命陛下曰光

天文武大聖孝感皇帝皆象德景行自然之符陛下尚執謙冲遷延若未當者今群臣咸服睿謀肅將天下猶各有茅土銘勳景鍾陛下盛德大業終古獨立不速卽徽號以蔚皇圖臣恐天地神祇勤勞邛止臣謹與太嘗禮官等僉擇請以來歲正月五日上尊號伏惟陛下膺天地之誠恭上皇之命遂群臣之請滿百靈之心延光無窮天下幸甚詔曰朕以眇躬敬承明命兩遭狂胡擾亂宗社不寧稟上皇至聖之謀當仗鉞秉旌之任大師一振殘孽無遺上皇厭彼代紛棄茲人事萬邦之重俾付朕躬傳授寶符乃加徽號

朕再三固讓實增黽勉恭膺典冊感慶良深覽卿等來章倍加祗懼依卿等所請三年正月戊寅太上皇御宣政殿授帝傳國寶符及受命寶符冊帝尊號曰光天文武大聖孝感皇帝上言曰陛下顧天位之累已推以付臣臣又畏天命以固辭期不奉詔未蒙詔許以辱四海而今加之徽號錫以洪名旣受寶符又傳神器是重臣以不德私臣以殊寵豈天地之容乎神人之望乎臣聞禮有嘗尊器不可假名無虛立義然後行頃以寇逆憑陵京闕失守撫軍監國事在一時正位居中尊無二上至於光天之業允文允武聖

繇天作孝以感通臣何有焉此皆陛下之能事也曲成之惠在慈愛而愈深至公之道將詢謀而未叶伏望寢以嚴命俯遂勤誠臣之下情不勝至願太上皇誥曰昊穹垂裕宗社發祥爾往在髫年素彰岐嶷泊乎問寢日增孝敬吾久勤庶務嘗奉至真特好清虛尋將付託爾以華戎銳士掃定神州功乃格天德惟邁古是用受茲國寶加以大號典章斯集喜慰盈懷實謂道映前王何必志在讓禮克光丕業以副至公卽斷來表帝再讓不允又以大聖二字非所當之曰帝王者天所命也稱號者人所奉也惟有德克躋

大寶惟至聖以享鴻休於是乎人神形容其美行歌咏之不足或爲之名焉伏惟陛下乾坤覆載河海潤澤道達生靈惠懷蠻貊尊九廟以崇孝謁五陵以奉先禮二郊以嚴禋祠九宮以致敬刻石北京以揚祖烈泥金東嶽以告成功自三五以還歷選列辟聰明文武齊聖廣淵丕懿純殷孰與比議卓哉煌煌真聖人之表也夫天地至大不能定愆伏之序日月運行不能正薄蝕之變自狂孽開釁倣擾天紀與時消息爲人請命舞干羽而氛祲永清垂衣裳而衽席無改納萬姓於仁壽之域朝百神於清穆之上宵然姑射

之山思訪襄城之野斯又臣言之不及稽古所未聞
義軒唐虞何足以云今方推而不居爲而不有付臣
以宗廟重器錫臣以后王徽章何以克堪辭不獲命
臣自奉明誥夙夜於邑以爲名不可假尊不可踰敬
承嚴旨得爲孝乎至於所託者深所荷者大不敢悉
拒以違天衷而大聖二字得之不易求諸故實布在
冊書伏望陛下顧茲當仁期以制義今王公侯伯卿
士兆人詢謀僉同稽首闕下臣敢因衆人之議成小
子之志上尊號於陛下曰太上至道聖皇天帝卽命
有司擇日奉行冊禮共錫臣帝號大聖二字伏願謹

停如臣言可以簡當所希採納如臣誠不足動天伏
當待罪將以明授受之道辨上下之分不勝臣子下
情懇願之極伏惟陛下俯垂允許以副四海之望表
上不允又表曰陛下以宗社再安天下交泰付臣以
神器授臣以寶符加臣以寵章錫臣以徽號君親之
義惠下之道已彰臣子之心奉上之禮未足臣所以
與王公卿士百辟兆人思垂裕後昆乃悉數前美仰
陛下之行者衆星之拱北辰悅陛下之澤者百川之
赴東海繇是累上尊號敢冒宸威陛下以無爲之心
不宰萬物抑而未允至於再三群情顒顒罔知所措

一昨辛卯賜誥命曰頻覽章表懇至難違爾寶命惟新洪名允集用加大聖之字克副昊天之心若成命無渝萬國同歡於翊戴儻固辭不已吾亦未庸乎典冊今不許撝謙令斷來表進迫嚴旨何以克堪退荷殊私無任隕越小子伏受命矣伏惟陛下允臣所請則自下上上日月之光昭從上下下雨露之恩廣臣已詢諸龜筮備其禮物請以來月乙巳奉上冊禮聖恩招納卽日付外施行不勝懇願之至誥曰汝孝以奉親明以御宇上從君父之命下順黎元之欲旣弘茂實爰副崇多千古攸高百王是式循環章奏喜慰

可知予志每集虛心嘗遺炤方契真宗之旨豈云稱號之榮汝就養無違歸尊有裕載獻從龜之吉復當乙巳之辰已備典章當依來請是月乙巳於興慶殿冊太上皇尊號曰太上至道聖皇天帝
乾元元年十二月乙未公卿道俗上表請加號曰乾元三表乃許之二年正月朔帝御含元殿受朝賀便冊尊號曰乾元大聖光天文武孝感皇帝
上元二年九月壬寅詔曰朕獲守丕業若履春冰敢忘謙冲日益招損欲垂範而自我亦去華而就實其乾元大聖光天文武孝感等尊崇之稱何德以當之

自今已後朕號唯稱皇帝

代宗寶應二年四月辛巳宰臣及文武百僚郭子儀等上尊號表曰臣聞功莫大於締構乾坤孝莫先於續承社稷伏惟皇帝陛下繼述冠於周武中興邁於漢光曩者巨逆慢天中原失序生人罹厥角之禍皇運甚綴旒之危陛下親計元兇指麾戎旅尊先帝於靈武返上皇於巴蜀以一旅而掃定二京不再周而克寧九廟是陛下締構之功也及乎先帝厭代姦臣窺國懷躡足之變構無將之端陛下隳將成之禍胎挫已就之凶計申大義而誅呂全至公而嗣文已月

餽而重明寰宇傾而再定陛下續承之孝也臣伏以古先帝王繼體踐祚者年踰則改元創業垂統者功成則上號陛下頃以先帝梓宮象設猶在橋山石室弓劍未藏固違體天之典將申寧戚之義孝思之至又何加焉今二聖靈輻永安陵寢萬方黎庶悉夢華胥聖人之哀榮畢矣帝王之功業成矣宜其大崇徽號允群臣顒然之望惟新正朔覃四海莫大之澤伏願降明詔下有司許臣等徵三代之故事考百王之通典改元立號革故鼎新懸之無窮倬映千古臣子儀等與群臣萬姓不勝懇請大願之至手詔答曰朕

嗣守洪名欽承丕構克清多難奄甸四方聖靈在天
玄德敷佑南面恭已朕何有焉巨猾削平非予之武
言念海內生人至艱兵鋒猶虞暴骨未掩日旰忘食
宵分疚懷遽稱成功良謂虐美玄宮甫畢豈宜卽及
改元寶位至尊何以更言加號宰臣之任職在輔弼
勸進之詞深所不取表三上乃許之六月丙申上表
獻議曰陛下昔在藩邸及登儲闈聰明徇齊齋肅端
冕遇闕則下入廟必趨及乎著代成人繼明踐阼聖
姿天縱神化日新學冠九流觀書過於乙夜文高五
始逸興麗於秋風此則陛下明昭之文德也頃者凶

羯亂嘗燹倫失序陛下親總戎旅誅討元凶掩慶緒
於雒陽斬朝義於河朔罷三司而復其位職人懷莫
大之恩收兩京而不問裔從國賀非嘗之澤洎先帝
大漸凶臣伺釁陛下釋服卽戎提戈清難九重遘慝
王室危於綴旒百姓不知天下安於山岳此則陛下
定難之武功也若夫心游繫象之表理絕名言之外
聖斷沈遠同陰陽之不測睿謀鈞深與鬼神而爭奧
休氣潛滋草木化爲禎祥淳風遠覃蠻夷效其獻貢
加以明並日月德泰乾坤風雨應時自有雍熙之兆
魚鱉咸若更登仁壽之期此則陛下莫大之至聖也

至於色養盡心慎終追遠問安內侍豈一日而忘朝
視膳宰夫知再飭而方退及乎三聖遠代九域侵臨
至性自天哀容觸地門外之理權依易月之期從心
之喪實履終天之痛財傾象設力竭山陵莫不德通
於神明哀感於天地故得役徒百數之衆皆曰子來
送終三十餘日曾無塗潦此則陛下感通之至孝也
若乃神告聖運天呈寶符陛下登極之辰泗水見其
五壁天兵滅虜之日黃河清於千里神烏白雀之祥
填林溢園卿雲甘露之瑞歲至月書此皆靈貺昭告
休期之大應也且夫允恭濬哲有軒轅戰伐之功焉

德合乾坤有伏羲尊聖之業焉降天休呈地寶有夏
禹玄珪之感焉經天緯地之謂文立極中興之謂武
變化無方之謂聖精誠上通之謂孝降天和騰地氣
生無期出有爲之謂寶文以昭之武以定之聖以成
之孝以通之寶以應之夫然後可以充天地之洪名
崇帝王之大號故臣等犯冒萬死奉上寶應元聖文
武孝皇帝尊號伏願陛下祗膺景命對越神祇應天
理人光膺大典臣等謹當撰吉日脩禮容設九賓觀
群后昭告烈祖清廟展黃琮之儀有事吳穹圓丘陳
蒼璧之禮臣子儀等與群臣萬姓不勝大慶謹上尊

號以聞詔下有司七月壬寅御宣政殿受群臣上尊號冊曰寶應元聖文武孝皇帝

德宗建中元年正月丁卯朔改元群臣上尊號曰聖神文武皇帝

興元元年正月朔車駕在奉天詔曰乃者公卿百寮用加虛美以聖神文武之號被蒙闇寡昧之躬固辭不獲俯遂群議昨因內省良所瞿然體陰陽不測之謂神與天地合德之謂聖豈伊淺劣所敢當文者所以成化武者所以定亂朕自君臨于今六載化之不被亂是用興豈可苟徇群情猥當徽號重予不德益

用懷慙自今以後中外所上書奏不得更言聖神文武之號

貞元五年十月百僚累上表請復徽號詔曰三省來章彌用兢惕載崇大號何以當之前者示懷益非冲讓尚勞敦請豈所宜然卿等傳達古今列於朝右思弘獻替共致太和豈以虛名重予不德再三循復增恧于懷想悉深衷勿更陳請

六年九月戊午百僚及道士僧等詣闕抗表請上貞元聖神文武皇帝尊號手詔不許十月己亥再詣闕抗表猶不許因謂侍臣曰今年春夏亢旱粟麥不登

朕精誠祈禱獲降甘雨旣致豐穰告謝郊廟朕儻受
徽號以禋享是有爲爲之更勿煩請也

順宗永貞元年八月禪位于憲宗十二月辛酉宰臣
文武百僚等請上太上皇及皇帝尊號表曰臣聞帝
堯之禪虞舜也業歸于異代漢祖之尊太上也禮循
乎虛名未有履尊極而捨萬乘之榮奉晨昏而傳七
廟之重斯則堯圖非遠漢道未全倬然冠洪名而超
古昔者孰若今之盛也伏惟皇帝陛下誕受聖姿欽
膺寶曆自天生德與神合契近者太上皇恭默在疚
禪授未行萬國注心思堯言以致理群生屬望渴聖

人之利見陛下忠感於天地孝達於神明成堯舜之
內禪固邦家之景命功莫盛於配天孝莫大於寧親
讓莫高於傳聖故太上皇釋天下之負所以成其讓
陛下受宗祧之寄所以保其功惟文王爲無憂惟武
王爲善繼夏祀永固周命惟新巍巍蕩蕩固無德而
稱矣又聞皇帝之道必體於至公稱號所加不私於
爲已將體元以立政必紀年以垂號伏願肇茲獻歲
允極鴻名發揮玄功昭示景化則太上皇之德可表
於徽冊陛下之孝克施於寰海然後父父子子君君
臣臣仰東海者知聖化之深躋南山者願聖人之壽

臣等不勝大願請上太上尊號曰應乾聖壽太上皇
請上陛下尊號曰文武大聖孝德皇帝因三正之慶
會鼓萬國之歡心奉寶冊以薦鴻徽率群臣而朝上
日然後退自問寢列茲充庭先陳教孝之儀方受慶
君之禮斯實邦家之耿光也古今之絕典也雖朝賀
有次已稟於綸言而徽號所尊益勤於俞詔兆人懇
願罔不顒然憲宗詔答曰高祖太宗接千載之統垂
無疆之休太上皇承九聖之烈傳莫大之慶嗣德續
業允文允武弘帝堯之欽明宗玄元之清淨付朕天
下願神保和至道光於唐虞至仁合於天地卿等虔

述休德祇獻鴻名循省再三允符朕志朕獲守寶位
丕承睿訓雖嚴恭寅畏不敢怠遑而澤未洽於群生
理未臻於皇極遽言徽號何以當之雖嘉乃誠難遂
來請其上獻太上皇尊號宜依所奏凡百卿士當體
至懷明年正月丙寅朔太上皇居興慶宮受朝賀皇
帝率百僚奉上尊號曰應乾聖壽太上皇帝

冊府元龜

冊府元龜 帝王部

卷之十一

